

امور تحریر یہ ایچون فؤاد بکہ
وامور اداره ایچون آرتین افندیہ
مراجعت اولنور۔

— ❧ —

درج اولنمیان اوراق اعاده اولنماز.
مسلكمزه موافق آثار قبول اولنور.

مَعَالِيقُ

اداره خانه سی باب عالی جاده سنده
۵۲ نومرولی « شرکت ضربتیه »
مطبعه سیدر.

— 254 —

استانبول ایچون سنه لکی مطبعه دن
آلنق شرطیله ۴۰ طشره لره پوسته
اجرتیله برابر ۶۰ غروشدور.

نسخہ سی ۱ فروش

پنجمینہ کونہری نشر اولنور ادبی، فنی وصناعی غزتہ در

نسخہ سی ۱ غروش

آثار ادبیه

وہ رتہ [۱]

عزیمت ایتدیکمندن دولای نہ قدر
منونم! ای محب وفا شعارم، جنان بشرده
نہ قدر حکم خفیہ الہیہ مکنوز! سنک کبی
یانندن بردقیقہ بیله آریله مہدیغ بر دوستدن
اوزاق دوشدیکم حالده ینہ محظوظم! فقط
بیایرم کہ بی عفو ایدرسک.
مناسبات سارمہ کانچہ، طالع ناسازم
انلری بکا، مجرد قلبی بی حضور، بی آرام
ایتمک ایچون پیدا ایتدیرمش کبی کورونمیورمی؟
زوالی «لہ اونووار!».

مع هذا بن بی کماہ ایدم. عظم فکر
ہمشیرہ سنک حسن و آن دلستانی تماشا
جہتتہ ایکن آنک قلب بدبختانہ سندنہ شرارہ
محبت آلوریز اشتعال اولمش ایسہ بندہ نہ
قباحت وار؟

مع مافیہ بسبتون دہمہ مومی؟ بیچارہ نک
حسبات عاشقانہ سنی تحریک ایدن بن دکلیمی؟
انسان نہ عجیب مخلوقدر! اوت دوستم، بعدازین
اطوار و منشواری تصحیح ایله برابر ماضی بی دہ لوحہ
خاطرمدن بسبتون سیلہ جکم. طالع بشرک
کأس حیاتہ مزج ایتدیکی آلام و اکدارک
خاطرہ دلسوزینی ادامہ ایتمک ایستہم. زمان
حالدن مستفید اولہ جنم. ماضی بنم ایچون
«ماضی» اولہ جقدر.

حقیقت عزیزم، حقلک وار. اگر
انسانلر زمان حالی صوغوق قان ایله دوش
تحملاً آله حق یردہ سیئات سابقہ لرینی تخطر
ایچون قوہ خیالیہ لرینی جزئی تحریک ایتمش
اولسہ ایدیلر اکدار بشر بوکون دہا آز
مقدارده مشہود اولوردی.

[۱] آٹان مشاہیر شعرا سندن (کوٹہ) نک
ادبی برائندن.

تیزہ لہ کوروشدم. آتی، بکا تعریف
اولندیگی کبی اخلاقسز بولہ مہدم. تیزم شن
برقادیندر. واقعاتند مزاج ایسہدہ قابی عالیدر.
والدہ مک حصہ ارشیہ حقنہدہ کی شکایاتی کندیسنه
سویلهدم. سنداتی ارانہ، اسباب موجبہ بی افادہ
ایله برابر تکلیف ایتدیکی شرائط قبول ایدلیدی
حالده ایستدیکمزدن زیادہ سنی اعادہیہ آمادہ
بولندیغنی بیان ایتدی. فقط سوزی بورادہ
کسہم. والدہ مہ سویلہ: «مسئلہ حسن صورتلہ
فیصلپذیر اولہ جقدر».

برادر! بوراسی پک خوشمہ کیتدی.
بہشت آسا اولان بویلہ بر محلہ وحدت کزینانہ
یاشامقدہ — لطافت موسم ایله اکتساب
حیات جدید ایدن قلبم ایچون — نہ کوزل
مدار تسلی وار!

ہر طرف شکوفہ زارہ دونمش اولدیغی
جہتلہ انسانک، او دریای رواجیدہ یوزمک
وکافہ غدا سنی اورادہ بولمق ایچون، کلاہک
اولہ جفی کلیور!

کرچہ شہر قسوت آور قلوب ایسہدہ
طبیعت اطراف واکنفاہدہ اولانچہ لطافتیلہ
عرض دیدار ایتدکدہدر. او لطافت بی مثال
طبیعتہ مہزون اولان متوفی قوت...
اک روح افزا تپہ لک برندہ بر باغچہ جک
یادیرمشدر.

دیدیکم باغچہ سادہدر؟ بر حالده کہ انسان
ایچریہ کیررکن پلاننک قواعد فہ اسیر بر
باغچوان طرفندن دکل بلکہ دلخواہی وجہلہ
مستفید اولغی آرزو ایدن بر صاحب حسن
جانبندن تنظیم ایدلمش اولدیغی آکلار.

الیوم او اشجار ساحلواردہ نک سایہ
صفامدارندن بن مستفید اولمقدہم. او حدیقہ
دلکشایہ قریباً صاحب اولہ جنم. بورادہ بولندیغ
مدت قلیلہدن بری باغچوانی کندی طرفہ جلبہ
موفق اولہ بیلدم.



قطب شمالی کرسنکائی

(مابعد)

آلت طرفلرندہ «نارس» لہ برابر
رفقاسنک زجعتہ مجبور اولدقلری بوزلرک
آرقہ سندنہ نباتاتی، حیواناتی و احتمال کہ
انسانلری حاوی آطہلر بولندیغی و بوموانع
واسعہنک اوتہ طرفلرینہ کچیلدیکی حالده
اورالردہ، سبریا اقوامی حکایات مخیلہ لرندہ
تصویر اولنان، (او آزیس) لر بولنہ بیلہ جکی
ادعا اولنہ بیلیردی.

(نارس) سفری شو احتمالاتک قطبہدہ
— اقوام قدیمہ جہنمی کبی تحت الارض موجود
اولوب انسانلر و حیوانلرلہ مسکون وایکی
مشعل ضیادار ایله منور — بر مغارہ
بولنہ جغفہ دائر بعض خیالپرستانک
درمیان ایتدکلری ترہات قبلندن اولدیغی
اثبات ایدہ مہمش ایسہدہ ہیچ اولمازسہ (نارس)
طرفندن (Océan paléocrystique) دیہ
تلقیب اولنان او بحر بی پایانک بولغہ حقیقہ
کسب استحقاق ایدوب ایتدیکنی و بحر
مذکور سطحندہ کی بوز پارچہ لرینک فی الواقع
مومی الہک دیدیکی کبی پک اسکی زماندن
قالہ شیر اولوب اولمہدیغی وعادتا تبحر
ایتمش بولنہ او بوزلرک شدائد بحرہ مقاومت
ایدہ بیلوب ایدہ دکارینی آکلامق ایجاب
ایدردی.

بونلردن ماعداسمادہ، ارضدہ وکیریلدیسی
ہان درجہ استحالہدہ بولنان او میاہ منجمدہ
ایچندہ سزاوار تدقیق پک چوق ممہا، شایان
کشف پک چوق شیر واردی.

قطب شمالیدہ کی ہوا، او بحر محیطدہ کی
طوزک درجہ سی، مندو جزر، ارضک تشکلات
ژہ اولوژیقیہ سی، علام جویہ کبی مسائل
(نارس) غایت شایان تدقیق کورمش اولدیغندن
انہای تدقیقاتہ (لادی فرائق لہن) قویندہ